



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

Beati, Gabriele

Augustæ Vindelicorum, 1729

VD18 80376800

53 An quodlibet priuilegium stricte sit interprætandum.

urn:nbn:de:hbz:466:1-39888

Q V A E S T I O L III.

*An quodlibet priuilegium strictè sit inter-
pretandum.*

C A S V S.

EPISCOPVS Ternacens. priuilegiū à Pontifice obtinuerat, suo-
rum Subditorum filios dispensandi in irregularitatibus ex defectu,
Titius autem Vir nobilis, cum Iuuenem quandam illegitimum,
sibi in filium adoptasset, eumque ad Sacros Ordines promouere vellet,
Irregularitatis ex defectu natalium ortæ dispensationem ab Episcopo pe-
tit, ac obtinuit; Iuuenis tamen, quia erat extraneus, dubitans de va-
lore dispensationis, eos suscipere recusauit. Quæritur; Vtrum dispen-
satio fuerit valida;

S V M M A R I V M .

- 1 Dispensatio Iuueni ab Episcopo conces-
sa, non videtur valida.
- 2 Priuilegium dispensandi, non est ma-
gis extendendum, quam ipsa dispen-
satio.
- 3 Est odiosum.
- 4 Sine Concedentis prejudicio, concedi non
potest.
- 5 Opponitur iuri communi.
- 6 Est quasi virtualis quedam dispen-
satio.
- 7 Priuilegium dispensandi, quorū modis
concedi possit.
- 8 Pendet à voluntate Concedentis, etiam
quo ad extensionem.
- 9 Dispensatio Iuueni concessa fuit va-
lida.
- 10 Erat Filius adoptius Titij.

- 12 Priuilegium dispensandi est purum
Principis beneficiarii.
- 13 Principis intentio principalis est fa-
uorem conferre Priuilegiato.
- 14 Lex favorabilis est latè explicanda.
- 15 Priuilegium dispensandi nulli iuri est
contrarium.
- 16 Neими nocumentum affert.
- 17 Et potestas ordinaria dispensandi la-
tè est interpretanda.
- 18 Potestas dispensandi ius commune
non vulnerat.
- 19 Delegatio potestatis ordinatur ad Prin-
cipis liberalitatem ostendendam.
- 20 Dum datur, nullà expressâ persona dis-
pensandâ, datur in gratiam Dispen-
satori.
- 21 Priuilegium dispensandi in irregulari-
tatibus occultis, Episcopis à Tridentino
concessum, latè est explican-
dum.

I i 3

23 Sicus

- 23 Sicut est priuilegium absoluendi à reseruatis.
- 24 Priuilegium dispensandi in irregularitatibus occultis, si alicui Religioni concederetur, esset strictè interpretandum.
- 25 Priuilegium eligendi Confessarium pro reservatis, aut votis, latè est explicandum.
- 26 Sicut etiam idem priuilegium, alicui specialiter concessum.
- 27 Priuilegium relaxandi vota, extenditur etiam ad iurata.
- 28 Priuilegium legitimandi, quando est latè accipiendum.
- 29 Priuilegium beneficia conferendi, extenditur ad pensiones.

RATIONES DUBITANDI.

2 CVM ex dictis constet, Dispensatio nem, eo quod sit iuris derogatiua, strictè esse interpretandam, oritur difficultas; an etiam priuilegium, sive potestas dispensandi, strictè sit accipienda. Sic enim ipsa quoque explicanda videatur; quo posito, inualida censenda, erit dispensatio Iuueni ab Episcopo concessa, cum ipse Titij verè non sit filius. Ita Nauarrus lib. 2. consil. tit. de iure conf. 1. num. 6. Vbi agens de iubilæo, huiusmodi potestates vocat odiosas. Henr. lib. 7. de Indulg. cap. 30. num. 1. Angel. v. dispens. num. 9. Couarr. 4. decr. par. 2. cap. 8. §. 8. num. 9.

3 Primò; Quia, Priuilegium dispensandi, non est magis extendendum, quam ipsum exercitium dispensandi, cum concedatur propter illud, tanquam pro-

pter finem; quo sublato, remaneret omnino invile; sed exercitium dispensandi extendendum non est, cum sit odiosum. Ergo neque potestas dispensandi; quoties enim unum conceditur propter aliud, concessio fortitur naturali illius propter quod conceditur, cum hoc, ipsius concessionis sit regula, ac mensura, unde in iure statuta dicuntur esse stricti iuris, quia actio ad quam ordinantur, est stricti iuris.

Secundò; Quia Priuilegium dispensandi est odiosum, cum ordinetur ad exercitium dispensandi, quod est odiosum, tanquam causa ad suum effectum, & ex effectu colligatur, an res aliqua sit favorabilis, an odiosa; Vnde L. 1. ff. solut. matr. Dos favorabilis appellatur, quia Sobolis procreatio, quae est effectus inde resultans, est favorabilis. Cum ergo odia sint restringenda, non amplianda, iuxta regulam illam iuris in 6. odia restringi, fauores conuenit ampliari, consequenter priuilegium dispensandi, erit restringendum.

Tertiò; Quia, priuilegium dispensandi concedi alteri non potest, sine ipsius Concedentis præjudicio; Princeps enim, per eius concessionem priuatur potestate, illud alteri donandi; quoties autem potestas in alterius præjudicium cedit, restringenda est, ac strictè interpretanda; Princeps enim, per eius concessionem, censetur velle, quam minimum potest damnum alteri afferre. Sicut ergo, cum cedit in præjudicium Tertij, restringendum est, ita cum cedit in præjudicium ipsius Principis concedentis; Princeps enim, per concessionem talis priuilegij, sicut intendit, quam minimum

mum



num damnum Tertij, ita præsumitur intehdere, quam minimum damnum suum.

6 Quartò; Quia, Priuilegium dispensandi opponitur iuri communi, illudque vulnerat non minus, quam ipsa dispensatio; ei enim remotè derogat per dispensationem, ab eiusque eximit obligatione non minus, quam dispensatio de-roget proximè. Sicut ergo dispensatio, quia vulnerat ius commune, illique de-rogat, est odiosa, ac proinde, quantum fieri potest, restringenda, ita propter eandem rationem, odiosa erit potestas dispen-sandi, ideoque restringenda.

7 Quintò; Quia priuilegium dispensandi cum personā determinatā, quantum fieri potest, est restringendum; *ex cap. Cui nulla; de præbendis in 6.* Quia est quasi virtualis quædam dispensatio, quæ stricte est interpretanda; sed etiam quando nulla exprimitur persona, est quasi virtualis quædam dispensatio; est enim causa dispensationis; Ergo tunc etiam est restringendum, & non ampliandum. Ex his ergo omnibus clare infertur, priuilegium, sive potestatem dispensandi in irregularitatibus ex defectu, Episcopo à Pontifice concessam, ad filios adoptiuos non se extendere, & consequenter dis-pensationem Iuueni ab Episcopo conces-sam in irregularitate ex defectu natalium, validam non fuisse.

NOTABILIA.

8 *A*duertendum est primo; Priuilegium dispensandi tripliciter concedi posse; primo absolutè, hoc est, nulla ex-pressâ personâ dispensanda; vt cum Epi-

scopus alicui absolutè facultatem conce-dit absoluendi à reseruatis. Secundò; Limitatè, hoc est, expresso certo nume-ro personarum; vt si facultatem conce-dat absoluendi à reseruatis solum incolas Ciuitatis, non verò omnes Diœcesanos; vel etiam vnam tantùm personam, modo non nominetur. Tertiò dñique, ex-pressis determinatis personis dispensan-dis; vt si facultatem concedat absoluendi à censuris Titium, vel Caium &c. Cum primo, aut secundo modo conce-ditur, censemur priuilegium, & benefi-cium primo & per se concessum illi, qui debet dispensare, illi enim determi-natè conceditur. Cum verò conceditur tertio modo, censemur fauor concessus non ei, qui debet dispensare, sed ei, qui de-bet dispensari; illi enim determinatè, direc-tè; ac primariò conceditur. Hoc autem tertio modo committit regulariter Pontifex Episcopo, vel Confessario dis-pensationes, in votis, aut impedimen-tis, expediendas.

Aduertendum est secundò; Priuile-gium, sicut pendet à voluntate Concedentis, quoad valorem, & efficaciam; ita ab eadem pendere, quoad exten-sionem. Voluntas autem Concedentis, cum priuilegium est purus fauor, ac be-neficium, censemur esse, vt extendatur quantum extendi potest; Concedens en- censemur velle, per hoc, suam liberalita-tem priuilegiario ostendere, & conse-quenter illi beneficium concedere tota amplitudine, qua potest, vt sic illi sit utilius, & ad hanc liberalitatem mani-festandam aptius. Hinc ergo fit, vt priuilegium, quando est purum Prin-cipis

cipis beneficium, extendendum sit, quantum patiuntur verba, non solum iuxta significationem naturalem, quam ex communi loquendi usu, & ex primâ eorum institutione habent; in quo sensu nomen, *mors*, significat mortem naturalem; sed etiam iuxta ciuilem, & metaphoricam, quâ à iure ob similitudinem, extenduntur ad aliud significantum, in quo sensu *professio* dicitur *mors ciuilis*; Cum enim unaquæque ars habeat verba, & instrumenta sibi propria, quibus iuxta propriam institutionem vtitur; hoc idem habere debuit etiam lex, quæ propterea uti poterit verbis, non solum iuxta proprietatem naturalem, sed etiam iuxta ciuilem: atque ita lex favorabilis, loquens de filijs, extenditur ad filios adoptiuos, quia iuxta proprietatem ciuilem à iure institutam, adoptatus venit nomine Filij. Similiter nomine legitimî venit legitimatus; nomine Fratrum veniunt etiam Sorores; nomine Filiorum, etiam Fœminæ; & nomine Religiosorum, etiam Mulieres, ac Nouitij; nomine Vxoris Sponsa; & nomine mortui, Religiosus professus. His positis,

RESOLV TIO.

10 *A*D Casum Respondetur, dispensationem in irregularitate Iuueni ab Episcopo concessam, fuisse validam.

11 Probatur; Quia Iuuenis à Titio fuerat in Filium adoptatus; Et in favorabilibus Adoptiuus venit nomine Filij; sicut legitimatus venit nomine legitimî, & Sponsa nomine Vxoris. Potestas autem dispensandi extenditur ad casus sub latâ verborum significacione comprehensos.

Ita Molina tract. 2. disp. 173. Suarez lib. 8. de legibus cap. 17. num. 111. Sanchez lib. 8 matr. disp. 2. num. 1. Salas de legib. disp. 20. sect. 11. nu. 110. Bonacina disp. 1. quæst. 3. pun. 7. §. 1. num. 14. Castropas. tract. 3. dis. 4. pun. 11. num. 2. Emanuel Sà; v. Dispensatio num. 7. & alij plures apud istos.

Primo; Quia privaliū dispensandi, est purum Principis beneficium; Privaliū enim conceditur, vt speciali fauore, ac gratia afficiatur. Principis autem beneficium, latissimè interpretandum est, vt constat, tum *ex reg. Iuris*; Odia restringi, fauores conuenit ampliari; tum *ex cap. olim. De verbor. signific.* & *L. Hoc modo ff. de condit.* & *demonstrat.* & *L. Cum quidam ff. de libris.* & posthuncis.

Secundo; Quia Principis intentio Principalis, dum alicui facultatem dispensandi concedit, non est vulnerare ius commune, quamvis hoc indirecte, & ex necessitate quadam consequendi sequatur, sed fauorem conferre illi, cui dispensandi facultatem concedit; ideo enim illam concedit, vt eum speciali fauore afficiat, eique suam benevolentiam, ac liberalitatem ostendat; Principale autem propositum, ac intentum inspicendum est. *L. Si quis. ff. Si certum petatur, & fusè probat Sanchez lib. 6. disp. 1. num. 11.* Cum ergo propositum principale Pontificis fuerit, Episcopo fauorem conferre, explicanda, & extendenda est hæc potestas tanquam fauor, quantum patitur lata verborum significatio; talis enim rationabiliter presumitur esse voluntas concedentis.

Ter-

14 Tertiò; Quia Lex favorabilis explicanda, & extendenda est, quantum patiuntur verba non solum iuxta proprietatem naturalem, sed etiam iuxta ciuilem à iure institutam; si enim aliæ artes vtuntur verbis, iuxta propriam institutionem, negari hoc non potest etiam iuri; vt probat Suarez lib. 6. cap. 2. num. 5. Sà v. Interpreti num. 1. Salas disp. 21. sect. 3. & Menochius lib. 4. præsumpt. 89. num. 86. & alij Doctores communiter. Potestas autem dispensandi, cum sit priuilegium, est quædam lex particularis, & priuata; vt ex ipsa priuilegij definitione, constat.

15 Quartò; Quia Priuilegium dispensandi simpliciter, nulla expressa persona dispensanda, nulli iuri est contrarium; Nullum enim datur ius Ordinario prohibens, ne facultatem, quam habet, alteri deleget; Imo hæc delegatio, est potius iuri valde conformis; sic enim occurrentibus necessitatibus facilius subuenitur, quam si semper recurrendum esset ad Principem. Priuilegium autem iuri non derogans, nec contrarium, in omnim sententiâ, est latissimè explicandum, & extendendum.

16 Quintò; Quia potestas hæc delegata, nemini nocumentum afferit; si enim ali cui afferret, afferret ipsi Principi concedenti; huic autem non afferit; Cum enim eius nomine à Delegato exerceatur, eius esse censetur; imo, quamvis aliquod ei nocumentum afferret, hoc adhuc nullius esset considerationis, ac momenti, quia esset voluntarium; Pontifex enim, Episcopo hanc potestatem delegando, voluntariè cessit iuri suo. Cum ergo nullum afferat nocumentum,

R. P. Beati Lib. II.

non est, cur amplianda, & extendenda non sit, quantum, saluâ verborum significacione, fieri potest.

Sextò; Quia potestas ordinaria dispensandi, extendenda est, & latè interpretanda; ex cap. fin. De Simonia, & cap. Per venerabilem; qui filij sint legitimi. Ergo etiam delegata. Ideo enim ordinaria extenditur, & ampliatur, quia non respicit personam ullam dispensandam in particulari; sed solum Communitem, cui hæc potestas utilis est, at necessaria. Sed etiam potestas delegata, nulla expressa personâ dispensanda, resipicit Communitem, cuius gubernationi est valde utilis; Ergo etiam potestas delegata amplianda erit, ac extendenda. Ex his ergo omnibus rationibus colligi videtur; potestatem Subditorum Filios dispensandi in irregularitate ex defectu, Episcopo à Pontifice concessam, etiam ad Adoptiuos se extendere; & consequenter dispensationem iuueni ab Episcopo concessam, fuisse validam.

OBJECTIONVM SOLVTIO.

Neque rationes initio propositæ obstant. Ad primam; Negatur Antecedens. Quamvis enim dispensatio ipsa extendenda non sit, quia vulnerat ius commune, potestas tamen dispensandi, illud non vulnerat, nec principaliiter datur propter dispensationem aliquam determinatam, sed solum propter omnes illas, quæ communi bono, visu fuerint expedire, quod potius Reipublicæ necessarium est, ac iuri conforme. Quamvis ergo dispensatio restringenda sit, non tamen est restrinenda potestas delegata dispensandi; Alioquin

Kk quin

quin restringenda etiam esset potestas ordinaria, cum ipsa etiam sit propter dispensationem, quod tamen ab omnibus negatur.

19 Ad secundam; Negatur; Concessio-nem, sive delegationem potestatis, or-dinarii principaliter ad dispensationem; principaliter enim ordinatur ad Principis liberalitatem Priuilegario ostendendam, ut dictum est. Hoc autem, non est odiosum, sed potius favorabile; ideoque extendendum; esto finis, & effectus se-cundarius, sit dispensatio; in concessio-ne enim attenditur finis principalis, pri-marius, ac per se, non verò secunda-rius, & quasi per accidens, & ex ne-cessitate consequenti, ut patet ex dictis.

20 Ad tertiam, Negatur, potestatem dis-pensandi, esse Iuri communi contrari-am, illudque vulnerare; ius enim com-mune dicit, neminem dispensari posse, nisi à proprio Iudice, vel ab alio, qui vices gerat. Delegatus autem, dum dispen-sat, ipsius Iudicis vices gerit.

21 Ad quintam: Negatur minor; Cum enim potestas simpliciter conceditur, nullà expressà personā dispensandā, datur principaliter in gratiam Dispensaturi, sicque habet rationem beneficij, fauoris ac gratiae, quae amplianda est. Cum verò conceditur expressà personā dispen-sandā, in huius gratiam priucipaliter datur, sicque habet rationem inchoatae dispensationis, & ideo est restringenda; datur enim in ordine ad talem actum dispensationis, tanquam propter finem, & causam principalem.

COROLLARIA.

C Olligitur ex dictis primò, Priuile-gium dispensandi in irregularitatibus, ac dispensationibus occultis, & ab-soluendi à casibus papalibus similiter oc-cultis, quæ Episcopis conceditur à Trid. sess. 24. cap. 6. reform. esse extenden-dam, ac latè interpretandam; quia da-tur simpliciter, nullà expressà personā dispen-sandā, aut absoluendā, & ordi-natur ad commune bonum Ecclesie, & includitur in corpore iuris, non solùm autem potestas dispensandi, sed ipsa etiam dispen-satio, cum in iure continetur, latè est explicanda, Sanchez lib. 4. sum. cap. 54. nu. 7. Bonacina num. 19.

Secundò, Priuilegium absoluendi à reseruatis, quæ communiter conceditur ab Episcopis, esse latè interpretandam: Tum quia, cum dirigatur ad commune bonum Ecclesie, est fauorabilis, Tum quia, cum concedatur simpliciter, con-ceditur principaliter in gratiam Absolu-turi, ideoque respectu illius, est fauor, ac beneficium: Tum denique, quia po-testas ordinaria, latam admittit explica-tionem. Ergo etiam delegata, qualis est potestas absoluendi à reseruatis, Confessario ab Episcopo delegata. Hæc enim, ad eumdem finem ordinatur, ac illa. Suarez lib. 8. cap. 17. num. II.

Tertiò, Priuilegium dispensandi in ir-regularitatibus occultis, & absoluendi à casibus papalibus occultis, & ab Epi-scopalibus, si alicui Religioni specialiter à Pontifice concederetur, forè strictè interpretandam, quia cederet in prædi-cium Ordinarij, cui hæc facultas com-petit de iure ordinario; Quoties autem po-testas

testas dispensandi, vergit in præiudicium Tertij, strictè est interpretanda, quia Superior non præsumitur velle, per suam concessionem, alteri notabile præiudicium afferre. Idemque dicendum est etiam de potestate legitimandi; Nam hæc etiam strictè videtur explicanda, cum vergit in præiudicium Tertij, qui futurus eset hæres; Princeps enim censetur, velle quam minimum præiudicium alteri afferre. *Sanchez lib. 8. disp. 2. num. 3.*

25 Quartò, Priuilegium eligendi Confessarium, qui absoluat à reseruatis, vel dispensem in votis, alijisque canonici impenimentis, quæ per Iubileum, aut Bullam Cruciatæ, conceditur, ob fines, & circumstantias, propter quas conceditur probabilius videri latè explicandam, ita ut extendatur, non solum ad peccata facultatem præcedentia, sed etiam ad subsequentia. Tum quia finis præcipuus huius facultatis, non est, priuatum commodum sumentis bullam, aut obtinentis Iubilæum; sed est commune Ecclesiæ bonum, eiusque subuentio in aliquâ publicâ necessitate. Tum quia dispensatio in fauorem piæ causæ, aut Religionis concessa, latam admittit interpretationem; Ergo à fortiori, etiam hæc facultas, cum in fauorem Ecclesiæ principaliter concedatur. Tum denique, quia hæc potestas, ad Indulgentiam efficacius lucrardam, & ad peccatorum remissiōnem, ac animæ salutem ordinatur, Indulgentia autem, ac remissio, cum sit Principis beneficium, nemini nocens, nec iuri contrarium, latè est explicanda. *Suarez lib. 6. de voto cap. 16. n. 3. & alij apud Bonac. disp. 1. quæst. 3. pun. 7.*

§. 1. num. 17. contra Sanchez lib. 8.
matr. disp. 2. num. 7.

Quintò: Priuilegium alicui speciali-
ter concessum, eligendi Confessarium, à quo absolui possit à censuris, ac casibus reseruatis, probabilius videri latè interpretandam, ita ut comprehendat non solum peccata antecedenter commissa, sed etiam committenda. Tum quia verba generalia, generaliter sunt intelligenda, nisi aliter constet de mente Concedentis. Tum quia, hoc priuilegium, videtur esse in fauorem salutis animarum, ne in peccatis sordescant; Priuilegium autem ordinatum ad bonum salutis, videtur latè interpretandum. *Bonac. num. 11. Salas disp. 17. sett. 8. num. 41.* Si tamen hæc facultas, ob bonum priuatum ipsius absoluendi principaliter concederetur, tunc videretur strictè interpretanda. Quia eset inchoata dispensatio, ac fauor singularis personæ derogans legi communii reseruationis; illum enim eximeret ab onere, quo cæteri, Superiorum adire tenentur pro absolutione: Hæc autem strictè est interpretanda.

Sextò, Priuilegium relaxandi vota,
extendi etiam ad vota iurata. Tum quia, solum votum dispensatione indiget, coque sublato, cessat etiam iuramentum. Ergo potestas dispensandi in voto, se extendit etiam ad iuramentum, tanquam ad aliquid ei accessorium. Tum quia, dum conceditur potestas vota relaxandi, conceditur facultas remittendi obligationem, virtute Religionis, soli Deo tanquam Creditori acquisitam. Sed obligatio, non solum voti, sed etiam

Kk 2 iura-

iuramenti, soli DEO præstiti, acquiritur DEO tanquam Creditori; Ergo facultas circa vota, extenditur etiam ad iuramenta *Sanchez lib. 8. dif. 2. n. 18.*

28 Septimò; Priuilegium legitimandi, quando non redundat in præiudicium Filiorum legitimorum, esse latè interpretandam, & consequenter extendendam, & consequenter extendendam, non solum ad Natum ex adulterio, sed etiam ad Natum ex adulterio simul, & incestu. Quia potestas legitimandi, tunc est purum Principis beneficium. Hoc autem est largissimè interpretandum. Quod si potestas legitimandi loqueretur de Spurijs, nulla apposita limitatione; Cum Spurius sit terminus generalis, omnes Spurijs species, sub se comprehendens, extenderetur etiam ad casum mixtum, cum hæc potestas sit favorabili, ac latè interpretanda. *Sanchez num. 28. & 30.*

29 Octauò; Priuilegium Beneficia conferendi, extendi etiam ad Pensiones. Pensio enim venit nomine Beneficij Ecclesiastici; Tum quia tunc non est quid mere temporale, sed potius spirituale, aut spirituali annexum, cum ex Bullâ Pij V.

Pensio habeat annexum onus recitandi Officium saltem B. V. & in Cancelleria, Pensionarius censeatur beneficiarius ad effectum gaudendi priuilegio fori Ecclesiastici. Tum quia Pensio ex stylo Curia, & ex Bullâ Pij V. quæ incipit; *Sacrosanctum*; Clericatum requirit sicut beneficium. Tum quia Pensionarius ex constitutione Sixti V. quæ incipit: *Cum Sacrosanctum*, tonsuram, & habitum Clericalem iugiter deferre tenet, sub pœna priuationis ipsius Pensionis, ipso facto incurrienda. Tum quia de Pensione, quæ Clerico assignatur loco beneficij, fieri debet in literis mentio, sicut de beneficio. Tum quia fructus pensionis, nec vendi, nec locari possunt ad vitam, sicut nec fructus beneficij. Tum denique, quia Simoniacum est, pecuniam dare pro pensione obtainenda, sicut pro obtainendo beneficio, ideoque in cap. *Conquerente*; *de Cleric. non residente*; de eâ fit mentio, sicut de beneficio, eo quod non detur in stipendum, sicut dantur pensiones merè temporales, sed assignetur communiter loco beneficij. *Gigas de pens. quest. 67. concl. 2.*



QVAE-